

# 北洋官報

錄目

官門抄 上諭 交旨

二月分選單

奏議○民政部奏設憲政籌備處摺△都察院奏互選議員完竣摺

摺片七則

奏摺○督憲咨一件△運司詳一件△警務處詳一件

文告四則△電輔七則△各省五則△譯電八則

彙編○河南諮議局議決案

已酉官報目錄

本局第一百三十二期 法政學報 今日出版  
本日增刊 己酉官報目錄 一頁

## 官門抄

二月二十九日

理藩部 廂蓋旗值日 洵貝勒由

醇賢親王園寢回京請

安 璋公由

西陵回京請

安 豐深 岳樑各假滿請

安 成安謝佩帶印鑰

恩 良泰續假五日 掌禮

司奏初一日祭

奉先殿朗貝勒行禮

召見軍機

憲政編查館遞封奏二件 海軍處遞封奏三

件 理藩部遞封奏一件

## 上諭

二月二十九日內閣奉

上諭山東濟南府知府員缺緊要著該撫於通省知府內揀員調補所遺員缺著鮑心增補授欽此

## 交旨

二月二十九日

軍機大臣欽奉

諭旨憲政編查館奏行政事務宜明定權限酌擬辦法一摺著依議欽此

西歷一千九百十年四月九號

禮拜六

第二千三百八十九册

一

電話第五十二號

諭旨憲政編查館奏核議死罪施行詳細辦法一摺又奏蒙古死罪案件概歸理藩部主稿大理院覆判一片均著依議欽此

諭旨理藩部奏遵設憲政籌備處一摺著憲政編查館知道又奏酌設諮議官一片著依議欽此

二月分吏部選單○知府 直隸順德嚴震浙江附 巡檢 廣東歸善陳洽章江蘇廩 吏目 雲南安甯李

志仁河南監 典史 直隸懷柔張樹勳河南附 廣西懷集李相釗湖南附 平南史錫麟直隸附 雲南

永平孔昭嶽山東人 教授 山東武定鄭銜青州舉 山西蒲州賈煦朔平舉 澤州馬鳴圻汾州舉 浙

江處州鄭一夔甯波舉 江西袁州李尙賢建昌歲 湖南永順盛元愷衡州副 雲南麗江寸開泰永昌甲

永北廳李家鳳臨安舉 貴州遵義馬克城貴陽歲 石阡劉國樑貴陽舉 教諭 廣東長甯鍾仁宅崖

州貢生 廣西宜山李以敬潯州貢生 四川梁山林世芳資州舉 福建閩縣王均元台灣舉 南靖林振

聲福州舉 陝西豔屋虞庠漢中拔 郃陽張仰勳西安人 甯羗州高志芳西安廩 山西交城楊輔蔭平

定州舉 河南息縣樊錫周河南增 訓導 吉林敦化賈拱辰天津恩 安徽建平舒景衡安慶增 青陽

胡建猷鳳陽附 山東泗水楊春霖濟南增 兗州府鄭作相沂州歲 山西天鎮杜春慶太原人 平陽府

高碩弼太原人 陝西延長胡咸愷西安歲 鳳翔府徐錫慶西安附 浙江泰順鄭丙森嘉興歲 福建霞

浦吳作梅汀州優 江西瀘溪陳樹爵臨江廩 長甯張獻廷吉安副 四川西充陶發嘉定恩 貴州畢節

宋光祿平越州附 荔波胡均銓貴陽廩 廣東和平區玉輝廣州附 陝西清澗袁汝推乾州恩 安徽宿

松陳之煥甯國歲 貴州鎮遠府周鴻文遵義增

### 奏議錄要

#### 民政部奏遵設憲政籌備處摺

奏為遵設憲政籌備處並恭書 上諭敬謹懸掛恭摺仰祈 聖鑒事宣統元年十二月二十日欽奉 諭

旨憲政編查館奏請飭京外各衙門設立憲政籌備處並將十月十三日 上諭恭書懸掛一摺著依議欽此當

由該館鈔錄原奏咨行到部查原奏內稱擬令京外各衙門堂官責成承辦率承辦各員辦理其事其從前已設

督催總核致核等處卽由各該衙門改易今名藉昭劃一凡派在憲政籌備處人員應令開單咨報臣館以便遇事互相討論並將十月十三日 上諭恭書懸掛以勵進行而免疏懈各等因查憲政爲立國要圖其事端則極爲繁曠其程限則互相廣續倘非策應於幾先必致貽憂於事後臣部自奉 明詔預備立憲業將應行籌備事宜分年臚列開單 奏明依限辦理如城鎮鄉及府廳州縣地方自治章程均經先後 奏准頒行至各省人戶第一次調查報明總數暨各省廳州縣巡警粗具規模亦經臣部於上年十月及本年正月間分別奏報各在案茲復

恭奉 諭旨自應欽遵辦理卽於臣部設立憲政籌備處派委總理幫辦會辦等員承辦一切仍責成丞參督率各員依限舉行認真經理並遵將宣統元年十月十三日 上諭恭書懸掛朝夕懷遵惟是立法之始不厭求詳百端之興得人則理舉凡籌備事宜其隸於臣部與各省督撫同辦者均屬責無旁貸必使脈絡貫通力祛隔閡始

可得指臂相聯之助臣等於此次派委人員內一秉此義以爲準則庶幾爲事擇人事無不舉以期仰副 朝廷注重憲政核實程功之至意除將所派各員銜名開單咨送憲政編查館外所有遵設憲政籌備處緣由理合恭摺

陳明伏乞 皇上聖鑒謹 奏宣統二年二月二十三日奉 旨憲政編查館知道欽此

### 都察院奏互選資政院議員完竣摺

奏爲互選資政院議員完竣恭摺具陳仰祈 聖鑒事竊准資政院咨開該院奏定各部院衙門官選舉議員章程內載每屆互選以臣院爲投票所以臣等爲監督查照奏定章程舉行互選事宜等語臣等當卽遴派互選管理

員並酌擬詳細規則請飭部籌撥經費均經奏明各在案查選舉事屬創辦條理紛繁自開辦以來卽督飭管理員設立辦公處預備投票所調查互選人銜名資格以及置辦一切應用器具尙無貽誤由二月初一日至初四日爲互選期每日均已正刻投票酉初刻截止臣等親臨監督各部院衙門官均照規則投票尙無紊亂等情初五日臣等督飭管理員於辰正刻公同開票戊正刻竣事計被選舉人員共二百零六名當將其得票較多人員遵照資政院定章檢足一百六十名於初六日榜示並聲明如有不願應選者准於三日內呈明撤銷隨經翰林院編修華焯等十一員呈明或不願應選或已升任自應遵章撤銷卽將得票次多數人員補入造具當選人名冊連同票紙

咨送資政院照章辦理至互選辦公經費應俟逐款造具清冊咨送度支部核銷所有各部院衙門官互選資政院議員完竣緣由謹恭摺具奏伏乞

皇上聖鑒謹 奏宣統二年二月二十三日奉 旨該衙門知道欽此

摺片摘要

直督陳奏上年十二月雨糧情形摺二月二十七日奉

又奏報銷光緒三十三年分各屬因糧銀米摺同日奉

又奏請將七項常捐再行展辦一年摺同日奉

又奏補用道徐沅期滿甄別片同日奉

又奏候補守吳克讓等期滿甄別片同日奉

桂撫張鳴岐奏請以李應庚等補署柳城令各缺摺同日奉

又奏沿邊對汛經費酌量增加片同日奉

公牘錄要

督憲陳據學司申請咨部續發國民必讀課本咨請學部查照文

為咨明事據提學使傅增湘申稱本年二月初一日奉 學部札開總務司案呈查國民必讀課本業經本部於上年編輯成書分為甲乙丙三編奏明發交督學局就近試行一面發交各省提學使悉心察驗並廣徵諮議官各員意見如有未當之處應隨時修正等因奉 旨依議欽此欽遵在案除丙編一種係備參考之用俟排印成書再行札發外其甲乙兩編業經排印完竣自應連同原奏札行該提學使悉心察驗從速詳細申覆以備採擇可也此札計原奏一件書四本等因奉此查原書推本禮經闡明宗旨廣徵羣籍洵足為立身處世之楷模莫名欽佩惟事關國民教育察驗不厭求詳本司尚擬廣徵意見以便彙呈採擇茲查發國民必讀課本甲乙兩編各一部不敷應用擬請憲台轉咨 學部續發此項課本甲乙兩編各十部俾資察驗實為公便等情到本督部堂據此相應咨明 貴部煩請查照頒發施行

硃批知道了

硃批該部知道單併發

硃批該部議奏

硃批知道了

硃批吏部知道

硃批吏部議奏

硃批該部知道

督憲陳據天津商會稟永利總號營業章程請轉咨註冊咨請 度支部查核文 附章程

爲咨明事據天津商務總會總理王賢賓等稟稱竊查前奉護理督憲崔札開十一月十四日准 度支部咨開通  
阜司案呈准直隸總督咨稱據天津商務總會稟稱前奉札開准 度支部咨稱商人王炳呈報外城總廳由天津  
永利銀號撥來資本銀一萬兩在煤市街全泰店內開設永利分銀號當經總廳查驗明確取具殷實商舖保結由  
民政部咨送到部查該永利分銀號既據咨稱查驗資本屬實應予先行立案俟天津永利總號呈報再行一併覈  
辦等因奉此轉札去後茲據天津縣永利總銀號職商王寶釗稟稱職號於本年七月由津撥資本銀一萬兩在北  
京開設分銀號曾由經理人王炳稟請外城總廳查驗屬實取具保結在案茲飭前因請轉詳咨部以憑開辦等情  
咨行前來查永利分銀號資本據稱由天津永利總銀號撥給惟該總銀號並未報部註冊有案前經咨令侯總號  
呈請註冊再行一併核辦茲查原咨該職商王寶釗所稟仍未將總號應行聲明各事項報部呈請註冊自應再行  
咨催轉飭該總號遵照部頒註冊章程內應行聲明各事項開單報部以便北京該分號一併核給執照以資遵守  
相應咨行直隸總督轉飭遵照可也等因准此札飭商會即便轉飭遵照辦理等因奉此當經轉飭遵辦去後茲據  
天津永利總銀號王寶釗呈稱竊職商奉會憲傳諭 度支部核飭天津永利總銀號并未報部註冊有案令卽照  
章聲明以便同北京分號核給執照遵守等因查職商前於光緒二十八年籌集資本開設天津永利總銀號交通  
市面自開辦以來生意頗稱便宜前擬在北京開設分號以期流通所有一切章程均不敢有違商律茲奉飭前因  
敬繹部頒奏定通行則例仰見大部振興商業之意自當遵辦理合開具清摺二扣呈請轉稟督憲咨部查照註冊  
頒發執照俾資遵守并請將永利分銀號執照一併頒發以便祇領實爲公私兩便等情前來職會查核摺開各節  
核與部頒註冊章程尙屬相符理合稟呈查核轉咨實爲公便等情到本大臣據此相應咨明 貴部請煩查核辦  
理須至咨者

計抄永利總銀號營業章程 第一條 本銀號遵照通行則例所開各節辦理 第二條 本總銀號所營之業  
各種期票匯票短期日息收存款項放出款項兌換銀錢收取各種銀錢票 第三條 本總銀號係吉維清馮海  
宗合資開辦 第四條 本總銀號定名曰永利總銀號 第五條 本總銀號資本銀二萬兩 第六條 本總

銀號開設在天津北門外大街 第七條 本總銀號每年結賬一次 第八條 本總銀號所有各項欠賬概負無限責任 第九條 本總銀號營業時刻不定限制亦無公同休息日期 第十條 本總銀號與各號往來概用永利銀號圖章爲記 第十一條 本總銀號行使銀洋各票俱有限制分別存現備取自無受擠恐慌之虞 第十二條 本總銀號章程現已呈明天津商務總會轉報 大部註冊其中如有未盡之處隨時更正呈明核奪

運司詳遵籌翰林院津貼擬動撥大學堂生息銀兩文並批

爲詳明事宜統二年二月初六日奉 憲台札飭內開宣統二年二月初五日接准直隸京官呂尙書孟丞堂函開翰林一官供職詞垣清華勳品自科舉旣廢外差停罷木天景況益覺清寒近來各省每由地方官別籌津貼如湖北湖南安徽江蘇浙江河南廣東山東等省均有津貼一項或三四千金或五六千金不等廣東則因人數較多按年解銀八千金並以此數作爲定額指款籌撥吾直事同一律敬懇我公援照各省成案籌撥直隸翰林常年津貼以資補助查吾直翰林除告假在籍及在外游學者不計外實在館供職者已二十一較粵省翰林人數尙多擬請酌量增加辦理等因查翰林清秩自科舉停止以來清苦特甚廣東等省旣各籌解津貼直隸事同一律人數尤多擬即自本年起每年籌撥銀一萬兩作爲定額以資補助應由運司籌銀四千兩支應局銀錢所各籌銀三千兩除函覆並分行外合即札飭札到該司即便遵照籌撥具報此札等因到司奉此遵查司庫尙有大學堂生息一欸係於光緒二十八年因籌議省城大學堂經費由閒欸內撥交商人振德領銀四萬兩恩裕泰領銀一萬兩作爲成本每年呈交生息銀四千兩以資應用業經停解所有本司衙門應籌翰林院津貼銀四千兩擬將此項大學堂生息改撥濟用自宣統二年起按年收有成數即行詳報呈解可否動撥之處除詳明 督辦大臣外理合具文詳請 憲台查核批示祇遵爲此備由具呈伏乞 照詳施行

督憲陳 批據詳已悉該司應籌翰林院津貼銀四千兩擬在停解大學堂生息項下改撥事屬可行應自本年起的按年收有成數即行詳解仰即遵照辦理仍候 督辦大臣批示繳

直隸警務處詳請獎遵化豐潤辦差出力巡警文並批

爲詳請給獎事案據遵化直隸州知州葉牧嗣高稟稱竊卑州於宣統元年九月內恭辦

孝欽顯皇后梓宮

奉移 東陵大差遵署共調派巡警四百名卑州選撥二百名豐潤玉田二縣各派一百名在於指定道段分

班站道晝夜巡邏爲時一月有餘辦理尙無貽悞所有在事員弁不無微勞足錄聲明玉田縣已經稟請獎毋庸開列將該州並豐潤縣巡警員名開具清單懇乞轉詳請獎前來本司道覆查該州併所屬豐潤玉田二縣此次恭辦

大差在事巡官區長等或沿路梭巡或督率站崗一律整齊地面靜謐未便沒其微勞查該州派定辦差員各指定道段已於差前據警務處稽查委員查明開報在案查核所保人數尙屬核實並無冒濫自應俯如所請分

別給獎以示鼓勵除玉田縣巡警員名業據該縣徑稟請獎外所有遵化州併所屬之豐潤縣巡警在事出力人員理合照繕清摺詳請 憲台查核俯賜分別給獎以示鼓勵實爲公便爲此備由具呈伏乞 照詳施行須至詳者

今將遵化州上年恭辦 東陵大差巡警人員請獎銜名照繕清摺恭呈 憲鑒 計開 巡警第一分局巡官附生李炳南 巡警總局名譽董事增生郝長庚 第二分局巡董監生果聯芬 第三分局巡董附貢生王恩

誥 總局一區巡董監生李成楨 以上五名請獎給五品獎札 區長劉士魁劉兆麟董振鐸王世澤田有年曹鼎臣嚴寶瑜王振武袁景棣徐景嵐張志良 以上十一名請獎給六品功牌 總局巡記張景福 分局巡記田

鏡泉鄧鳴珂馮際清 巡記姚鴻賓瑞秀黃文奎于祥馮殿英李喆卿書記焦貴廷 以上十一名擬各予記功一次

今將豐潤縣上年恭辦 東陵大差巡警人員請獎銜名照繕清摺恭呈 憲鑒 計開 正巡官趙昌雲現年三十五歲州同銜玉田縣增貢生 副巡官李兆樞現年二十三歲縣丞銜奉天甯遠州監生 副巡官王伯臣

現年二十四歲豐潤縣監生 正巡董馬維藩現年五十歲議叙鹽大使豐潤縣附監生 副巡董張鳳翰現年四十九歲揀選知縣豐潤舉人 副巡董馮元佐現年三十六歲縣丞銜豐潤縣附生 以上六員擬請各獎給五品

獎札 區長劉瑞瑞現年三十四歲縣丞銜豐潤縣監生 區長畢玉恩現年二十七歲豐潤縣監生 區長谷鴻勳現年二十八歲議叙典史豐潤縣監生 區長石璧如現年二十四歲縣丞銜豐潤縣監生 區長劉祚瀾現年

二十二歲縣丞天津縣監生 區長王友善現年二十七歲豐潤縣附生 巡記張舉綱現年三十歲豐潤縣監生 書記陳如璞現年三十四歲山東濟甯縣監生 以上八員擬請各獎給六品功牌 巡長王獻臣現年三十二

歲豐潤縣人 巡長張俊埤現年二十五歲豐潤縣人 巡長王之佐現年二十二歲豐潤縣人 巡長張子卿現年二十八歲豐潤縣人 巡長楊東明現年二十四歲豐潤縣人 巡長張國勛現年二十二歲豐潤縣人 以上六名擬各予記功一次

督憲陳 批詳摺均悉恭辦

陵差出力之遵化州巡官附生李炳南等五名准各給五品獎札區長劉士魁等十一名准各給六品功牌巡記張景福等十一名准各記功一次豐潤縣出力之正巡官趙昌雲等六名准各給五品獎札區長劉瑞瑞等八名准各給六品功牌巡長王獻臣等六名准各記功一次以示鼓勵茲發去五品獎札十一件六品功牌十九張仰即查收轉發給領並將記功各弁分別註冊飭知此繳

### 文告錄要

藩台牌示○玉田縣知縣袁樹麒調署宣化縣遺缺委前委東明縣之候補知縣王達署理○甯晉縣知縣傅鴻詔撤任遺缺委靈壽縣張樸調署○撫甯縣知縣缺委候補知縣張尙瑛署理

學台批示○保定師範畢業生永年縣傳鴻恩稟因病愈懇請銷假由 批據稟已悉俟有相當學堂再行酌度委派仰暫回籍靜候可也○保定師範畢業生故城縣李燦云稟請咨送分科大學報考由 批稟悉非優級師範畢業獎獎舉人者不合送考分科大學資格所請碍難准行此批

臬台批示○隆平縣民人賈連魁來司呈控一案 批案已委員會審究竟其中如何情形候札飭該印委秉公集訊明確錄供定擬解勘爾即回籍靜待毋庸多瀆粘單附○東光縣民人楊愷文來司呈控一案 批同學不和縱有其事亦屬尋常小隙何致勢不兩立傷斃其命顯有起衅別情既於前呈批縣集訊應俟訊明詳報到日再行核奪毋庸多瀆呈仍行縣知照粘單附

清苑縣儒學告示○為曉諭事案蒙提學司傅爲札知事案查廩生考貢 部飭每年於三月九月兩次舉行前經通飭各學遵辦在案茲本司定於本月二十九日取齊應行考貢廩生聽候於三月初旬示期考試以符定章其應行出貢各生應由該學查明迅即傳知備文申送如期到津毋得遲悞送考文冊仍行查明前次各項通飭將食餼奉文年月日期及應出何年貢額詳細聲叙挨次查送毋得攙越免致駁訐其實有患病及不得已之事故

不能來津應試請緩考出者應由學先行備文請示俟奉批後再行遵照辦理不得輒以他人送考如無要事亦不得任其托故規避致起爭端合行札飭札到仰即遵照辦理毋違此札等因蒙此飭遵案查本學廩生沈清華等自光緒二十四年起尙未出貢今除出傳知廩生出貢外合行出示曉諭爲此示仰闔學出貢各該生迅速來學呈報出貢毋再遲延切切特示

### 畿輔近事

官場紀要○督憲札委候補府銘太守勳充憲政研究員○新任天津道謝觀察崇基於二十八日午刻接印任事

○新授勸業道孫觀察多森前日赴院稟見○錢太守溯灝奉委辦理南洋賽會事宜前日赴院稟辭

咨明報考截止日期○督憲准陸軍貴胄學堂咨開查本堂奏定新章業經分別電咨請將合格學生迅速咨送

在案現本堂開辦在即擬於三月二十日爲報考截止之期如有合格學生務祈於截止期前迅速咨送以免貽誤除電知外相應咨行貴督查照辦理可也等因除分別咨行外並札飭一律查照辦理矣

咨查永七鹽廠辦法章程全案○督憲札飭運司暨永七鹽局文云宣統二年二月二十日准浙江撫院增咨開據

浙江鹽運使王慶平詳稱竊查上年十月十六日奉批本司詳請咨取永七鹽廠章程並飭岱局等妥議覆辦由奉批據詳已悉仰即轉飭查明覆核詳奪並候咨請直隸督院轉飭長蘆運司抄案覆浙另發仿辦繳等因奉此

當經本司分飭岱山鹽局暨論杭嘉松三所甲商一體遵奉憲批詳細查明稟復察核詳辦在案迄今日久未據該局員等查明稟復除再由本司分催復辦外所有永七鹽廠章程迄亦未准抄案復浙理合詳請仰祈察核再

行轉咨直隸督院飭令長蘆運司迅將全案抄錄復浙發司以憑酌核辦理實爲公便等情到本大臣據此除批示外相應咨請爲此咨貴部堂請煩查照飭令迅將永七鹽廠辦法章程抄錄復浙核辦望切施行等因到本

督部堂准此查前准來咨業經轉行在案茲准前因合行札飭札到即便查照辦理

委赴南洋研究賽會事宜○督憲爲札委事據直隸協贊會出品協會協理錢道寶書稟稱竊職道伏查此次南洋

賽會爲吾國創舉國內實業各界及各國來賓蒞會參觀至時必有研究問題各省非得預派專門之員赴會考察不足以資輔佐而崇會務查有職會坐辦商科舉人鄭釗禪精商政學識閎通在會襄理各項悉合機宜深資

臂助可否仰懇憲台加札先行派赴南洋研究各項爲賽會時之預備至會中編輯事宜應仍照章遴派專員分期編訂可以隨時函商辦理是否有當伏乞訓示祇遵等情到本大臣據此除批准外合行札委札到該員即便遵照此札

續辦塾師傳習所○天津縣勸學所發出公啓一紙云本所現定於三月初九日晚八點鐘在東門內二道街舊營務處兩等官小學堂內續辦城內塾師傳習所專講筆算定爲星期一三五日晚間爲傳習之期以三個月爲限諸君有志研究者務即到東馬路勸學所報名以便安設座位爲此通告願頌文祺

天津縣董事會議覆說帖○馬遇麟爲該莊村正馬綏麟隱匿廟產說帖 議覆說帖閱悉即行前往調查此答○高登第爲謀估官街妨害隣安懇請設法維持說帖 議覆說帖閱悉候調查後再爲核議此答○楊承善爲認租西窪窪坑地說帖 議覆說帖閱悉俟立案後即行議租此答○楊承譽爲認租河北荒地說帖 議覆說帖閱悉候調查明晰即行議租此答○孫鴻賓等爲民房地基舊被冲刷現又淤回懇請撥歸業主說帖 議覆兩具說帖均悉俟調查後再爲核議此答○孫鴻賓等爲河淤認墾以維學務說帖 議覆說帖閱悉俟丈量清楚再爲核議此答

海軍捐會函請更正○昨接北洋學界海軍捐會來函云昨閱貴報敝會特別捐清單已蒙登錄感甚惟蘭君峻峰捐洋五元誤寫五毛尙希亟爲更正是荷

### 各省近事

籌擬開通瓊滬航路○吉林琿春廳現議開放商埠各項實業亦將次第漸興有職商朱江具稟吉林公署擬招集資本設立輪船公司自備輪船專由琿春行駛上海一帶各海岸以便通商遷民而免外人爭先舉辦並舉甯紹商輪公司職商虞道思德爲公司總董出爲經理一切聞已經陳簡帥批准先行咨部立案俟辦有成效再照商部獎勵與辦實業新章奏請從優獎叙

(錄上海中外日報)

呈請遴委蠶業教員○奉天輯安縣前奉提學司札飭舉辦初等實業學堂當以該縣蠶桑亟待振興擬定設蠶業一科以裨實用惟此項教員急難延聘特具呈提學司請予遴員前往云

(錄東三省日報)

示期考選優級師範生○浙江提學司袁文宗嘉穀日前發給牌示一道略謂案照宣統元年九月初二日奉撫憲增札開宣統元年八月二十七日准 學部宥電京師優級師範學堂現擬添招新班該省如有中學堂畢業生或初級師範完全科畢業生確係國文暢達英文能通文法作論算學能通代數幾何平三角圖畫能作幾何畫並其餘各科均符中等畢業生程度者可甄別錄取咨送統限於十一月初到京聽候考驗等因當經選送詳咨在案旋於本年正月二十三日奉撫憲札准 學部效電京師優級師範招考學生各省送考人數無多擬變通辦理各省優級師範選科學生如有確合宥電所開程度者准其擇尤咨送於本年二月補考等因當以優級選科浙省尙未畢業擬選送此次中學畢業生赴考電詢 學部示期去後茲奉電覆於三月內補考一次等因奉此除陳彬夏會澧斐祖華業經咨送外合行牌示爲此示仰此次覆試各中學堂畢業合格諸生知悉如有願赴京師優級師範肄業者尅日備具四寸半身相片三張背面開明姓名年籍三代並隨帶畢業文憑務於本月二十日以前赴學務公所呈驗報名以便詳咨逾限概不補送切切特示

(錄上海中外日報)

贛省佈置物產總會○江西物產總會定期二月十五日開幕經該會總監督勸業道傅莒生觀察期前東請諮議局正副會長常駐議員教育總會正副會長職員幹事商務總會總協理會董及各團體並撫院以次行政各官於十五日先後蒞會行開幕禮其開幕期前種種籌備事宜日來趕辦除各屬出品以及本省徵集品物分類陳列外調取陸軍小學堂人體模型並各學堂儀器標本學生成績女生手工陳設秩序頗極美備惟會場附近一帶探望男女絡繹不絕至各商布置商場巧紫彩布各種花色點綴地方各爭優勝至十三日晚間通場燃點電燈光彩異常頗極熱鬧實爲贛省歷來未有之事以致附郭人民紛紛進城購券預備入場參觀者尤不勝計該會備券十萬八千張期前已售脫二萬有奇該會誠恐開幕擁擠預算地方容積人數始行放進以免擁擠

(錄申報)

湘省示禁穀米出境○湘省各屬近因米荒鄉民聚衆滋鬧時有所聞地方官紳異常惶迫紛紛稟請省台禁止穀米出境以保民食昨由岑中丞電請軍機處代奏奉 旨允准除飭各關局卡遵照外現已出示曉諭其示文云爲嚴禁穀米出境以裕民食事照得湘省長沙等府屬上年因受乾旱收成歉薄向來產米之澧州安鄉南州

武陵龍陽沅江華容各州廳縣被水冲潰隄垸受災尤重現在省城米價每石需錢七串左右居民有饑荒之虞羣情惶迫稟請禁運穀米出境以保治安經本部院電請軍機處代奏奉 旨允准應自本年二月二十八日起禁運米穀出境除軍米漕米不在禁列另行辦理並札行牙釐總局轉飭岳州澧安雷灣各局卡屆期實力查禁暨飭長沙岳州兩關道遵照外合行出示曉諭爲此仰城鄉商賈船戶軍民人等知悉自禁期之後爾等裝運穀米祇許在本省各府州廳縣售賣不准販運出境倘敢故違一經查獲即將所運穀米扣留作爲平糶之用並將私自攬載之船戶水手交地方官懲辦其各局卡司事巡丁倘敢稽查不力或受賄徇縱偷漏定卽斥革提究決不姑寬其各凜遵

(錄上海中外日報)

### 譯電錄要

美國銀行閉歇○路透電云美國布魯克林地方聯合銀行現在歇業該行資本一百萬元存款共五百五十萬元法國擴充海軍○路透電云法內閣現在議訂表式擬於今年建造德瑞納提號式大戰艦兩艘海軍大臣宣言近日法國亂事甚爲危險應於二十四點之內將擴充辦法議妥以維大局

日本間諜遞解○路透電云據小呂宋電稱美國陸軍大臣諭令將前於西三月三十號捕獲日本私照砲壘之間諜釋放并遞解台灣

英首相之政策○路透電云英首相阿司奎斯氏擬於西本月十四號將上議院駁拒利權定妥并於西本月內將財政預算案議訂

美教員致電答謝○路透電云美國前總統盧斯福氏現接到美國各處教會電報數百件稱謝盧氏對於教皇所行之事

俄外部定期赴德○柏林電云俄外部大臣依烏洛斯克氏定於西四月八號赴德京一遊

俄國財政之預算○柏林電云俄國財政預算共盈餘四百二十四萬盧布俄議院現將建造兵艦經費減爲一千一百萬盧布

比國議訂剛果之約○柏林電云比利時國京城議訂剛果之約不日卽可成就

補救復依此建議籲懇撫部院核准代 奏並將原條理由詳述於左 一相度地勢以利販運也 國家分配引地本無成見不過考運道之險易求其便民而已查淮北自西壩至正陽關由正陽關至豫界三河尖以至淮河上流一帶分流支派與汝光十四州縣河道處處相通在往日肩挑背負陸運誠不如水運之輕今日鐵道開通水運又不如陸運之快淮鹽由出產行至豫岸縱風利不泊必須兩月有奇長蘆鹽順鐵路兩日即至豫南即運費而可知成本即成本而可知價值即價值而可知銷路之通滯此宜改良者一也 一保全國課以免侵虧也查長蘆釐捐由商包繳近年淮綱日紊而汝郡一帶又處處與蘆鹽引界毗連貴賤懸殊鄰鹽遂乘隙而入莫可禁遏每年私銷之鹽溢於包繳之額名為淮鹽之口岸實為蘆商之羨餘蘆鹽銷數日增增者私囊淮鹽銷數日減減者國課此宜改良者二也 一斟酌物力以劑盈虛也查淮北連年缺產始而借淮南繼而借蘆東今年淮南又缺產矣未聞長蘆有缺產之事可見長蘆造鹽與兩淮辦法必有絕不相侔者矣且淮北缺產不一而足與其一借再借何如割引地以讓人此宜改良者三也 一節省運費以便暢銷也查今年淮南缺產有借運蘆鹽之說果爾則海運必由天津而上海而荆湘輪船運費幾何陸運則必由天津而河南而荆湘火車運費又幾何與其舍近圖遠有蹀躞借還之擾何如舍遠就近省往來跋涉之勞若將汝光各屬改隸長蘆即以淮北向銷豫岸之鹽配銷淮南則淮南淮北一葦可航直隸河南兩日可到運費少而價值輕一舉兩得此宜改良者四也 一體察民情以昭畫一也小民無知惟利是圖蘆鹽每觔五十餘文豫鹽每觔百文有零販運蘆鹽朝發夕至利如此其厚勢如此其便故熙熙攘攘莫非販私之人將置之不問乎則大干例禁將按律送究乎則不可勝誅且凡物有求斯有供既禁人之私販必禁人之私買人將執詞以難之曰同係豫省之民何人食賤鹽而我獨否不但情有可恕而理亦甚長改易長蘆則大河南北一體同仁百姓既無私販之名釐捐亦無偷漏之慮此宜改良者五也外查開封歸德陳州彰德衛輝鄭州所屬地多斥鹵民取其土以熬鹵硝其鹵硝之中有質白而粒碎者即謂之小鹽味遜於煮海之鹽價值甚賤民間購食頗多而鹽商禁賣販運者以犯私論揆其理由殆恐小鹽行銷侵占引地虧短國課勢不能不強遏其流然小鹽為豫省出產之一大宗有此出產而禁止不準銷售是棄貨於地也民以完糧之地而遏抑不使出產是重困乎民也計惟有並課小鹽立局收買與大鹽一例行銷將所

有鹽池每月幫緝私巡役陋規一律裁去鹽出本地底本既輕民食自便國課亦完鹽商無所藉口以爲阻撓之計惠益貧民殊非淺鮮一並仰懇 核準附片代奏

一議決整頓省垣學務案 一學務機關 學務公所爲全省教育機關自成立以來非不規模粗具及查其內部樞紐實無活潑進行之機其應整頓者如左 (甲)議長議紳宜釐定議事日程實行會議以學司爲主席決議全省教育應興應革事宜刊布官報以期周知省垣學堂經視學員報告後應隨意抽查以憑核實若以後議長議紳因事出缺應由教育總會招全體會員公推專門畢業深明教育富於閱歷者充當不得稍事瞻徇以教育司命爲達官回翔之地 (乙)各科用人宜以法政優級師範畢業生及本省辦學有成績者爲限其不能事事有類掛名乾修者應一律沙汰以節經費 (丙)會計科宜趕辦全省每年預算決算表呈請 撫院查核曾經規定教育之經費務令 藩司預先指撥以免臨時牽制後時失事 (丁)各科批示文牘應就各種學堂所應有教育原理切實指駁不得但憑部章了草塞責 (戊)本省教育方法預算案教育經費預算表及應行編輯審定之教科應用圖書均飭該科妥速籌備以蕪畫一而促進步 (己)檢定教員爲總務科最要職任該科於應派教員并不能真知灼見而但憑一次考驗按冊分布以故所派出之教員往往以不勝任致起風潮及撤回另派更有每況愈下者以致各屬教員缺席除指名稟請外大概不敢請派應請修改定章程屆檢定時凡在省有專長之員紳邀同審查即著該科員帶赴各校實地講演即學司直轄之畢業生亦須俟檢查後再行札派至考試各屬畢業員紳必須遴選具普通學識及名譽素優者派充以杜流弊 (庚)省視學宜遴選精通中學堂以上學科端嚴明達之士巡視各處其所指駁教員管理及學董會長須逐條疏其所以然 (辛)凡外府辦學人員之游歷來省者學務公所宜遣人導以參觀各校准其陳述意見以覘其才識 (壬)圖書科編訂各州縣鄉土志應由學務公所行知各屬教育會勸學所請本境熟於地理掌故之鄉先生編輯底稿呈 學憲審定後即印刷分派以爲初級小學堂課本 (癸)教育總會爲全省意思機關以與各處分會聯合爲主義應確定會員如諮議局常駐議員之類均須入會即以每年諮議局開會前十日爲大會屆時各分會會長必須親到酌定全省教育豫算案除應暫行秘密外務登報公布各處會長更替亦必須通知總會認可方爲有效至各分會

# 北洋官報彙編目錄

## 章程類一

外務部譯錄日韓兩國通漁協定書

灤州官礦地公司地股合同

武邑縣教育會開會研究變通辦法六條

靜海縣設立種植局簡章

靜海縣籌設初等女小學堂簡章暨堂規

熱河奏定承審命案核計功過暫行章程

直隸漁業公司新訂包稅人承辦漁業稅捐簡章

又改訂各分局整頓規章

黑省招民墾荒章程

天津造胰公司續招股本新章

涿州教練所簡章

安徽巡警推廣改良條陳

山西自治研究所簡章

又自治講習所簡章

川省商業註冊章程

廣昌縣自治學社簡章

又宣講閱報所簡章

涿州女學堂簡章

蘇省裁判商民錢債簡章

四川自治研究所簡章

山東禁煙局禁種章程

鄂省禁煙所發照章程

廣東省港澳水利慈善會章程

上海中國公學董事會章程

奉天鄉鎮巡警總局偵探馬巡隊規則

浙江官紙印刷局章程

蘇州警局改定職事章程

河南禁煙公所章程

度支部財政學堂章程

江南籌辦地方自治總局調查戶口簡章

民政部暫定京師調查戶口規則

又調查戶口執行法

又調查戶口官員長警遵守規則

鉅鹿縣整頓巡警暨練軍縣隊巡邏章程

南樂縣自治學社簡章

完縣自治學社簡章

江南自治總局調查規則

貴冑法政學堂章程

雲南諮議局籌辦處章程

南洋勸業會詳訂各屬物產會簡章

天津商務印書館分館廣告

五月份牌  
 諸君贈品  
 滿現洋二元者謹贈月

歲逢庚戌萬象更新本館特製月份牌一種文雅富麗兼擅其勝專備 購書

份牌 一張滿四元者二張 餘可類推 不滿二元者不贈訂定正月初十日贈起

至三月初十日止 如期內業已送完則當改贈他書臨時再行佈告

敬書目提要

本館創辦十餘年編譯書籍將及千種茲特印成書目提要一册欲閱者請向本館索取遠地函索即當寄奉 附 郵票購書 章程 凡值信局郵局不能匯兌款

項之處其書價及寄費可用郵票為代辦法如下(甲)郵票以一角二角者為限如有零數可將一二分者合足三角以上之郵票不收(乙)郵票抵實洋以九五折計算如寄郵票一元僅能購書九角五分(丙)郵票有污損及不能揭開者不收(丁)寄費照書價加一成(戊)寄費至少須五分

商務印書館啟

天津分館開設河北大胡同 電話五百二十六號

# 新 啟 告廣司公限有灰洋



啟者本公司係承受唐山洋灰公司老廠另購外洋最新式機器旋窩等創設新廠自丁未臘月新廠開機以來出貨加增行銷愈廣灰質經本廠西洋化驗師悉心研究精益求精曾寄由德國國家栢林及日本關東都督府各化驗所驗得動力堅力及凝結時刻灰之粗細均合要工所用其成色與外洋最高之貨相等倘有機器製造之缸磚花磚洋灰瓦水溝管矸子土等項無論躉零交易均可本公司總理處設在天津海大道英租界並在北京奉天大連煙台牛莊青島上海漢口南京鎮江各埠均設有經售處如蒙賜訂大批價值從廉交貨不悞期限所有洋灰及各種磚瓦等件重量式樣大概用法另刊有華洋文廣告 光顧諸君請向本公司索閱面議一切可也

德律風一千三百零九號

## 利 文 洋

大小皮包法國洋號又新到轉盤換調話匣八音盒價值格外從廉仕宦商光顧者請移玉紫竹林法租界本行面議可也

本行開設天津上海香港志呢華海參歲等處均設立有年諸班貨物由外洋本機器廠自造鐘表蘭洋鐘皮套鐘天文坐卦等鐘以及金銀夾金銅鋼等表約有二百餘宗並各樣表鍊金鑲珠寶鑽石戒指耳墜鑲子表墜大小八音盒並留聲話匣單雙桶千里眼磁蘭磨花穿衣鏡妝梳洋鏡

本行主人啟

## 瑞林祥元記 網緞洋貨莊

本行開設北京前門外鮮魚口天津估衣街中間路北山東濟南府院西路北自置綢緞紗羅繡粧蟒洋貨布疋各色喇哩厚呢京廣什貨俱全貨高價廉劃一不二後廳內專售線貨織絨袍料衣包被套口袋線毯毛毯零賣均照行價發兌中外紳商賜顧移玉是幸

## 嶧縣中興煤礦有限公司添招新股廣告

敬啟者本公司前蒙農工商部奏派丞參上行走前長蘆運台周到嶧調查商籌擴充辦法預算五年內路礦用款出煤噸數並議招新股漕平足銀二百二十萬兩具文呈復旋蒙農工商部札飭本公司邀集舊股東設法集務於預算年限內每日出煤二千噸之數各等因奉此本公司現已遵札將添招新股章程改完善呈部奉准立案茲將部札原呈及添招新股章程登告以供公覽其擴充辦法及出煤獲利取息分紅各節均詳周都轉呈並招股章程毋庸贅述如有遠近官紳商庶願附本公司礦股者自一股至數百千股均可隨時向義善源處善銀號洋灰公司河北周公祠後曉南鄭宅等處商附兌款後先給收銀憑單隨即函告濟南總理處填寫股票摺寄回轉交附股人收執為憑以收足原議之數為截止之期幸勿觀望自失利益特此敬佈

# 北洋漢州官鑛公司開收第二期股本廣告

啓者本公司原招股本係分兩期核收分填天津地字兩項股票茲特定期將地字股本收足自本年正月十五日起望持天字股票爲憑以便驗票收款天津本埠以三個月爲限交法界五號路十四號門牌本公司總理處其外埠較遠以五個月爲限仍交各處天津分銀號均先發執照一個月後換取地字股票如逾限不交當查照本公司招股章程第七十條辦理合先登明此啓

## 京師自來水公司照章付息廣告

啓者本公司現照章於三月初一日起發給第二次股息屆期務請 股東持息單前往各原交股款之天津銀號 取其在本公司及他處入股者均可到北京天津銀號照付惟此埠股東或願改赴他埠取息須預先一個月照原埠掛號聲明以便知會所指之處屆期照付免致不能接洽是幸

## 啟新洋灰有限公司分派第三期紅利廣告

啓者本公司應派上年年息紅利定於三月初一日起憑息單發給並分送帳畧其磚股係第一期照章自收銀之次日起接八釐算給官利不分紅利務祈在股 諸君屆期到海大道本公司總理處領取如南省股東亦可將息單交上海天津分銀號承接寄津代取不計匯費惟津滬往返函寄約需一月屆時望持該號收條領取息單可也

## 督署兩等小學續招學生廣告

地址 督署後天緯路北學級 本校分高等初等兩級 資格 高等以能作短文爲合格初等識字與不識字均可課程 遵章報名自二月初一日起至二月三十日截止本堂在庶務處 考期 三月初一日早八點鐘 考高等學生下午兩點鐘考初等學生 學費 不收

# 啟新洋灰有限公司擴充新機續招股本廣告

半其餘一半呈請 郵商兩部酌附官股並請商辦各鐵路公司量為認附仍按每股龍銀五十元分三期收清第一期二十元本年二月十六日起六月底截限第二期十五元七月至年底截限第三期十五元次年正月至六月底截限照章自交款之次日起息本屆在會股東已各認定股數極為踴躍如有原股東暨各鐵路公司願附此項新股者請將認定股數 示知註冊每期交款均給憑單為據另刊有招股簡章並附預算清單可以隨時寄閱如能 惠臨海大道本公司面談更易接洽此布

啟者本公司現經第三次股東會決議 仍在唐山新廠擴充新機計需成本行 本洋一百五十萬元儘原股東認附一

## 京奉鐵路局緊要廣告

本局向來每星期往來京奉直達通車現定於二月二十五日即西歷四月四號禮拜一日為始更換新車添掛頭二等睡車飯車仍照向章每逢星期日上午八點五十分由瀋陽開赴北京星期一日下午七點二十五分由北京開赴瀋陽頭等票價照尋常加通車費洋二元如欲乘睡車者加睡車費洋五元二等票照尋常加通車費洋一元如欲乘睡車者加睡車費洋二元五角無論遠近一律照收均不售三等票其頭等睡車並備有被褥枕毯等件二等睡則歸搭客自備凡搭客欲乘坐通車者均須預先知照本局事務處派定號次以免臨時擁擠搭客行李另有車輛裝載其零星手提物件准其帶入睡車惟不得侵佔旁人座位現奉 郵傳部鐵路總局諭此項車輛原為利便行旅起見睡車牀位有限應仿照京漢路局辦法無論何人一概不准持免票登車即本局局長總辦以及各處華洋員司遇有公事乘坐通車亦須自行購票私事更不必論以示限制而昭公允等因除遵照外合亟廣告俾眾週知

## 工商演說廣告

啟者三月初三日晚八鐘至十一鐘仍借東官講所內演說工商各項要理并請王懷清先生演說中國幣制應如何改良劉巨川先生續演開辦銀行法李子鶴先生演說公司之利益宋則久先生演說中國商業之特難紀管泮先生演說興工商乃練兵強國之起點務希 各工商屆時 惠臨入聽不取分文特先佈告

天津勸工陳列所謹啟